

Dieg Cuengh bya lai ndoi deih, gak goengq cungj mbouj doxdoengz. Diegcuengh dah lai rij deih, gak diuz cungj mbouj ityiengh……Sujgyaj ndaej hoengq, dou song gyauejyah gietdingh bae youz gij bya mizmingz Mbanjcuengh haenx, gamjsouh gij gingjsaek gyaundeidei dieg Cuengh raeuz.

Youz Byayizfungh Liujcouh

柳州鱼峰山游

Bineix ndwen 7 ngoenz 6 hauh, singgeiz roek, fwn gvaq mbwn gvengq, dou song gyauejyah daeuj daengz Byayizfungh youz.

Byayizfungh youq ndaw singz Liujcouh, sang miz 80 lai mij, yiengh lumj duz byaleix ndeu daengj dwk ityiengh. Laj dinbya miz aen daemz iq he, heuhguh Siujlungzdan.

Cienzgangj Liuz Samcej dwg youq gizneix eu fwen baenz dahsien. Doeklaeng, vunzlai dawz giz ndei guhcaemz neix guh baenz aen gunghyenz he, heuhguh Yizfungh Gunghyenz.

Seizneix, Byayizfungh miz mbaeklae iet daengz dingjbya bae. Raeuz gaen mbaeklae benz hwnjbae, couh benz ndaej daengz dingjbya lo. Ndown youq gwnz dingjbya, muenghyawj seiq mienh, aen singz Liujcouh gvangqlanghlangh, gij gingjsaek de raeuz cungj yawj ndaej caez liux.

Baihdoengnamz laj dinbya dwg daemz Siujlungzdan, aen daemz neix mbouj gvangq, gij raemx sawndikndik youh liengzsis. Aen daemz Siujlungzdan caeuq dah Liujgyangh doxdoeng, raemxdah hwnj raemxdaemz hix lai, dah mboek daemz cix mboek.

Gek aen daemz Siujlungzdan yawj goengq Byayizfungh, goengq bya neix couh lumj duz byaleix ndeu diuq ok raemx ityiengh. Gwnz bya gij gofaex haenx seiqgeiq cungj heuswdswd, ndaw daemz gij raemx haenx doenghbi cungj sawndikndik. Gizneix faex heu raemx saw, gingjsaek ndei yawj raixcaix.


Byayizfungh miz aen goj he gig mizmingz: Cienzgangj canghfwen Bouxcuengh Liuz Samcej daeuj gizneix son beixnuengx eu fwen, youq gizneix caeuq doihndei doiq fwen. Doeklaeng, Samcej youq gizneix bienqbaenz

Youz Bya Mizmingz Mbanjcuengh

游 壮 乡 名 山

□ Gaob Sozvwz/Siz Caizyij

□ 甘说文/石才以



dahsien lo.

Youz Dahyagenj Yizcouh

宜州下硯河游

Caeux couh dingqnyi baengzyoux naeuz Dahyagenj Yizcouh gyaundeidei baenzmaz, yienghneix, youz Byayizfungh Liujcouh le, 7 nyied 7 hauh, dou song gyauejyah youh ganj ci bae daengz Yizcouh Si, bae youz Dahyagenj.

Dahyagenj youq baihbak singz Yizcouh, duenh dah neix miz 12 goengleix raez, raemxdah sawndikndik, yawj ndaej raen daej bae.

Haenzdah bangxdad miz gaiq rinbenj lumj diuz faexhanz, miz gaiq rinbenj lumj mbaw sujbaq, cienzgangj dwg faexhanz caeuq sujbaq gosien Liuz Samcej. Bangxdad miz aen daiz doiqfwen, daj gizneix doxhwnj bae

Swnggujlungz, song haenz goengqbya doxdab, go' ndoek duengh fuemx. Daj gizneix doxroengz bae daengz bakdah Dahliujgyangh, song haenz go' ndoek gungj hwet doxcoux, sing fwen goksak, gak aen gingjdenj cungj miz gij gojgeq gosien: Daizcienzfwen、Faexdinghcingz、Rinsoujbaq、Rinmuenghnuengx daengj.

Dahyagenj raemx gvangqlangh, ndaw dah miz gaiq dieg youh bingz youh raez ndeu, baihgwnz rin' gyaec henjgim ndongqmyanmyan, bouxyouz haengj cauhsaz vad ruz bae guhcaemz. Daj Giuzyagenj caiq doxhwnj 200 mij, raemx roenx gvaq fai, lumj raemxdiuqdan nei, ndei yawj raixcaix.

Funghgingj Dahyagenj mboujdanhsaemx saw、faex heu、gamj gvaic、bya geiz, lij gizgiz sawj vunz siengj-

daengz gosien Liuz Samcej.

Mbanjliuzhoz、Mbanjmozfuj、Miuhsamcej、Ranzsamcej、Ranzahniuz daengj doengh aen gingjdenj henzdah neix, aenaen cungj miz gojgaeq Liuz Samcej.

Dahyagenj ndei yawj youh ndei guhcaemz, bouxyouz yawj gvaq gak dieg gingj le, lij ndaej camgya haujlai yiengh guh' angq dem, lumj daemjgyaeq、doiqfwen daengj.

Youz Byafungh Vujmingz

武鸣凤凰山游

7 nyied 20 hauh, mbwn gvengqneuneu, song gvanbaz dou bae Vujmingz youz Byafungh.

Byafungh youh heuhguh Byagijfung, youq Vujmingz Yen Cwngzdungh Cin, liz yienhsingz 7 goengleix gyaec. Dahyanghsanh daj laj dinbya heux gvaqbae, henzgyawj lij miz Byaswhling、Miu Gvangjdwz Gunghcuj.

Byafungh seiqlengq gvangqbingz, song goengq dingjbya daengj dwk, caen lumj duzfungh ndiengq din yaek mbin ityiengh. Byafungh gofaex gogaue heuswdswd, baihgwnz gofaex geq sangngaungau, baihlaj gogaue laux raezrangrang, gofaex yinx gogaue maj, gogaue heux gofaex iet.

Byafungh gamj lai miuh hix lai, dingjbya miz gamj, dinbya miz miuh, miz gamj couh miz miuh, raen miuh couh raen gamj. Daengx bya rin daengj rin ngamh gizgiz cungj miz, daj ciuhgeq roengzdaeu, haujlai vunz youq gizneix raiz saw daez sei.

Goengq dingjbya baihdoeng, miz aen gamj ndeu heuhguh Gamjdoegsaw, bangxdad gaek miz Sawgun "Cauzyangz Mingzfung" seiq aen cih hung. Youh miz aen gamj he heuhguh Gamjdaigiz, ndaw gamj gaek miz Sawgun "fung" aen cih hung ndeu, aen cih "fung" neix youq Gvangjsih raeuz, dwg aen cih gaek gwnz rin cei q hung ndeu.

Goengq dingjbya baihsae, miz Gamjhozyinz. Gizneix rin bingz gamj gvangq, cih laux sei geq gig lai. Diuz Dahyanghsanh couh daj dinbya mbiengneix heux gvaqbae.

Benz hwnj dingjbya Byafungh, yiengq seiqlengq muenghyawj: Naz bingz reih gvangq, dah gaeuz loh soh, mbanj gyaec haw lengj, ranzmabanj geijlai gyaundeidei ha!

Yawj boux vunzmbanj neix lumj boux vunz lauxsaed ndeu. Veiz Gozcingh cix simsoh han de: "Gou mbouj cawx, cij siengj camcam hangzcingz."

Daj hangz gaeqbit byaij okdaeuj, Vangz Gwzginz naeuz: "Mwh cei q haemzhøj seizde, duzgaeq gaen gai 8 maenz, cawx duz aeu geij cib maenz, sojyij miz di ganbu damzbyoedbyoed naeuz, gou dwg boux ganbu duzgaeq ndeu."

Veiz Gozcingh naeuz: "Vunz baihbak gvaq cieng gwn gyauswj, mboujnex mbouj lumj gvaq cieng, vunz baihnanz ne, yaek gaj gaeq, mboujnex caemh mbouj lumj gvaq cieng. Bineix gou guj daih dingzlai vunz cungj ndaej gaj gaeq gvaq cieng luba!

Yenz Gvanghcaij naeuz: "Ciuq dingz gyaq neix, gij ganbu caeuq vunzyouq Namzningz, ndaej gaj gaeq

gvaq cieng wnggai mbouj miz vwndiz."

Youq hangzbyaek vunz engqgya hoengh, nauhyied dangqmaz. Gij diemqbyaek guekguh caeuq gij danbyaek doxgapguh haenx doi doh daihbaj byaekbau、byaekgaiqlanzhup caeuq lauxbaeg, lij miz haujlai danbyaek seivunz geq cungj geq mbouj caez, baij miz makyungz、lwghuej、byaekohswnj、ho、byaekginz-

caiqhom daengj gak cungj byaek, gyaqcienz mingzyienj roengzdaemq. Vunz cij yungh maenz geij gak ngaenz, cix cawx ndaej baenz swx byaek.

Veiz Gozcingh naeuz: "Swngghanj hwnjbae le, doxgaiq cix lai hwnjdaeuj, gyaqcienz cix bienzngaih lo."

Gvangh Yenz naeuz: "Vunzlai doiq yiengh gunghawj byaek seizneix haemq habhoz."

Gyoengqde daj Hangzbyaek Hozbingz okdaeuj le, youh cienj haeuj Gaisinhvaz bae, gij diemqhuqcab lohgvaq ndaej raen haenx, ndawde cungj baij miz gak cungj dangzlwgdoem、dangzlwgraz、dangzmak、ceizhaibak、mienhbau gaudiemj caeuq faenjsei、raetnae、raetmoengngaex、byahamz daengj huqhawq huqcab, gig lai vunz daeuj cawx huq.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦 国 清 上 将 主 政 广 西 二 十 年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

gvaq cieng wnggai mbouj miz vwndiz."

Youq hangzbyaek vunz engqgya hoengh, nauhyied dangqmaz. Gij diemqbyaek guekguh caeuq gij danbyaek doxgapguh haenx doi doh daihbaj byaekbau、byaekgaiqlanzhup caeuq lauxbaeg, lij miz haujlai danbyaek seivunz geq cungj geq mbouj caez, baij miz makyungz、lwghuej、byaekohswnj、ho、byaekginz-

caiqhom daengj gak cungj byaek, gyaqcienz mingzyienj roengzdaemq. Vunz cij yungh maenz geij gak ngaenz, cix cawx ndaej baenz swx byaek.

Veiz Gozcingh naeuz: "Swngghanj hwnjbae le, doxgaiq cix lai hwnjdaeuj, gyaqcienz cix bienzngaih lo."

Gvangh Yenz naeuz: "Vunzlai doiq yiengh gunghawj byaek seizneix haemq habhoz."

Gyoengqde daj Hangzbyaek Hozbingz okdaeuj le, youh cienj haeuj Gaisinhvaz bae, gij diemqhuqcab lohgvaq ndaej raen haenx, ndawde cungj baij miz gak cungj dangzlwgdoem、dangzlwgraz、dangzmak、ceizhaibak、mienhbau gaudiemj caeuq faenjsei、raetnae、raetmoengngaex、byahamz daengj huqhawq huqcab, gig lai vunz daeuj cawx huq.

(caengz sat)